

雁山文集

卷二

余嘗與友論文曰生動曰樸實二者得斯無譌己近世能者其魏叔子乎叔子曰文之至者如菽粟可以濟天下之饑布帛可以衣天下之寒下爲來學所稟承上爲興王所取法則一立言之間而功與德俱備大哉言乎古今著述可語於此者幾人哉而世顧有訾哲之者吾未見其文之實工於叔子也某不敏願學焉而未至學輒慙余付梓余亦欲質諸當世竊願世之善學叔子者共攻吾短云爾道光庚寅冬至日雁山吳應達自叙

雁山文集總目

卷一

伊尹論

申生論

嚴光論

趙苞論

友說

說蚓

說議

書謝里甫太史二烈婦傳後

書鍾錫朋

書區孝子

書魏叔子地獄論後

書邱國清

紀雷異

書二孝子

書賴商伯

書馮魚山先生臨蘭亭卷後

書佛山軼事二則

叙秋館素蘭重開紀事

卷二

愍義祠碑

鶴山藥逕司巡檢竇公德政記

遊顧侯祠記

東坡亭記

重修選田吳氏族譜序

樓岡文會序

備用良方自序

古人今我齋詩集序

鶴山縣志序

嶺南荔支譜序

✓贈勞需大序

贈司徒生序

入送嶺南文集序

✓哭杜雪齋文

與友人論小羅浮草堂詩集書

與區健齋書

與梁鶴松

又

復莫玉峯

與沈生

與某簡

與林某

復陳生

與友

與劉樸石太史

復梁詞源兄弟

卷三

贈光祿寺丞永平府推官羅公傳

七先生傳

葉孝子傳

易秋河先生傳

義僕傳

鄧箕環先生傳

溫處兵備道陳公傳

監察御史鄭公傳

勞莪野先生傳

長壽縣知縣曾公傳

馮耒廬先生傳

左翼總鎮黃公傳

兩浙長亭塲鹽課大使鄭樹堂家傳

方子谷傳

敕封文林郎明經梁公家傳

處士梁君家傳

先曾祖樸園公家傳

先祖秋巖公家傳

卷四

梁賢母傳

兩節婦傳

黃烈婦傳

有序

源烈婦傳

薛貞女傳

伍氏節婦貞女合傳

梁節婦傳

劉節母家傳

易生啓榮暨烈婦呂氏哀辭

處士西愚馮君墓誌銘

處士陳公墓誌銘

敕封修職郎吳公墓誌銘

櫪鳴山人墓誌銘

旌表烈婦余氏暨烈女梁氏墓誌銘

先府君行述

雁山文集總目終

雁山文集卷之一

鶴山吳應達鴻來著

香山鄭廷松夢生校字

伊尹論

昔者伊尹放太甲於桐而民悅太甲賢乃反之而民又
悅孟子論之以爲有伊尹之志則可無伊尹之志則篡
也且夫伊尹之志何志哉朱子曰伊尹之志公天下以
爲心而無一毫之私者也雖然公亦難言之矣以爲可
以自信耶而後世弑逆之臣亦曰吾固有萬不得已於
此也以爲可對商之祖若宗與皇天后土耶而彼方且
矯托符命告祠宗廟而大宣布於天下也即以爲可驗

14
之於民耶。而西漢之末。上書頌莽功德者。至四十八萬人。則所謂公而無私者。亦何據之有。夫。至於民且不足據。則必有待於後世之公論。必待後世之公論。則亂臣賊子當其世且未能論定。而甘心遺臭者。因得以自恣於一時。而强悍不可以復制。余聞之師曰。伊尹之志。亦以其見信於太甲者。徵之而已。昔周公相成王而流言起。避居東都。且三年。而成王無迎。公意是成王亦疑公也。迨至感風雷之變。始涕泣曰。公勤勞王家。予冲人弗及。知嗚呼公之忠誠。可以格天。而風雷未兆之先。即以成王之賢。且不能無毫髮之惑。君臣之際。豈不難哉。且

夫奸雄之舉動可以欺天下而斷不能自欺其心或並
且自欺其心而獨不可以欺所事之主向使太甲被放
之時不曰伊尹訓己而曰伊尹放己不曰自作孽而曰
伊尹將不利於我則伊尹之事有難言者矣此時即蚩
蚩之氓衆口一辭共明其無罪亦安知非其平日之私
恩小惠有以固結之以欺一時以欺萬世哉則其所謂
公而無私者且熟從而信之熟從而辨之霍光受上官
桀之譖禍將不測舉朝無有能白其冤者昭帝曰將軍
無罪而光之志瞭然矣彼霍光者非志伊尹之志者哉
然則昭帝亦霍光之太甲也吾故表而出之以告後世

之爲伊尹者

謝里甫先生曰說本末廬馮先生而論斷精核似東坡志林

林月亭曰洞天石扇訇然中開

張南山曰從見信太甲處看出伊尹之志論極平允極精實奸雄舉動不能欺所事之主此是獨見處勺庭伊尹論以田延年爲伊尹一證此文又以昭帝爲太甲一證具此識力乃足與前人之文相發明